

〔小野宮年中行事二月〕十日三省申考選及春夏季祿等目錄事

問諸祿皆依上日可充給者也何因季祿一色計以往日給將來料乎答靜案事情似有所據待上日滿限若充給件祿自二月至八月可無春夏衣服仍計以往日者令致恪勤之誠也今給將來祿者令得衣服之便也為人有恩為公無損而已

〔唐六典三戶部〕春夏二季則春給之秋冬二季則秋給之

有閏者不別給

〔唐律疏議十賦庫〕諸出納官物給受有違者計所欠剩坐贓論略○中其物未應出給而給者罪亦如之

疏議曰其物未應出給者依令應給祿者春秋二時分給未至給時而給者亦依前坐贓科罪若給官物還充官用有違者笞四十其主司知有欠剩而不舉言者計所欠剩坐贓論減二等

〔令義解四祿〕凡祿春夏二季二月上旬給以糸一絢代綿一屯秋冬二季八月月上旬給以鐵二延代鐵五口

〔令集解二十三祿〕穴云鐵以十斤為一延但以二延代五口不知其由

〔續日本紀五元明〕和銅四年十月甲子勅依品位始定祿法職事二品二位各絕三十疋絲一百絢錢二千文王三位絕二十疋錢一千文臣三位絕十疋錢一千文王四位絕六疋錢三百文五位絕四疋錢二百文六位七位各絕二疋錢四十文八位初位各絕一疋錢二十文番上大舍人帶劔舍人兵衛史生省掌召使門部物部主帥等並絲二絢錢十文女亦准此

〔令集解二十三祿〕釋云天平寶字三年格云正八位鐵十五口今減五口也

〔延喜式十八式〕凡季祿鐵者八位官十口

〔延喜式三十式〕凡太政官并出納諸司季祿布以信濃布給之參議帶諸司者及內記主稅宮內修理勘解由等省寮職使亦同

〔延喜式十八式〕凡諸司官人奉使出外者季祿馬料還日並給若有功過者隨狀與奪

〔延喜式十二式〕凡女官人自八月至正月計上日一百廿以上者給春夏祿初任上日不滿三分之二者不在給例其女王時服不計上日